



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXXVI.


urn:nbn:de:hbz:466:1-29452

contra legem Dei, & peccare ex infirmitate naturæ
contra propositum, differunt.

CAPVT XXXVI.

ARGVMENTA.

1. *Quomodo oporteat opus dilectionis Dei erga nos, primum credere & per fidem accipere.*
2. *Quomodo acceptum Christi beneficium, causa est dilectionis nostræ erga Christum.*
3. *Quod oporteat fructus & opera dilectionis ostendere, alioqui Christi beneficium, id est, iustificatio, non retinetur.*

 Pus dilectionis Dei maximū erga nos, 1. est, quod dedit nobis filium suum unigenitum in redemptorē à peccatis nostris, & saluatorem à sathana & inferno. Ioan. tertio: Sic Deus dilexit mundum, ut filium suum unigenitum daret, &c. Roman. 5. Commēdat Deus charitatem suam in nobis, quoniam Christus pro impijs mortuus est, & 1. Ioan. 4. In hoc apparuit charitas Dei in nobis, quoniam filium suum unigenitum misit in mundum, ut viuamus per eum. Sic vbique scriptura commendat nobis hoc maximum opus dilectionis Dei erga nos, quod filium suum ex gratuita dilectione nobis dedit, non aliquo merito nostro præcedente, neque quod nos primum illum dilexerimus, sed quod ipse prior dilexit nos, 1. Ioan. 4. primum lapidem ipse posuit, & etiam cum inimici essemus, Roman. 5. Hoc simpliciter credere oportet, & nullatenus hīc dubitare, quod ex nimia charitate nobis sit datus filius Dei in redemptorem. Præcedit ergo hoc opus Dei dilectionis, nostram & fidem & dilectionem, opera ac merita.

Nam

Nam ante constitutionem mundi elegit nos pater in Christo, ut laudetur gloria gratiæ suæ, Ephes. 1. Igitur Euangelium proponitur, ubi primò fides nostra exigitur, ut credamus Christum pro nobis mortuum Roman. quarto, & fides nostra præcedit dilectionem & opera, & sola accipit Christi beneficium: Nam illa fides sic reputatur ad iustitiam credenti, Rom. 4. ante omne opus nostrum operatum. Viua ergò fides accipit iustificationem sine merito præcedenti operum legis, Rom. 3. Arbitramur hominē iustificari gratis sine operibus legis, &c. Oportet enim ut primò quis credat in Christum, antequàm diligat aut quippiam operetur: præcedit ergò fides Christi dilectionē & opera.

2. Acceptum Christi beneficium per fidem, causa dilectionis nostræ ad Christum. nam fides accipit remissionem peccatorum. Quæ remissio gratuita, hoc inquam beneficium gratuitum, causa est dilectionis nostræ: quare dilectio sequitur beneficiū remissionis peccatorum, & remissio peccatorū est ante dilectionem nostrā. Sic inquit Christus Luc. 7. Cui parū dimittitur, parū diligit: & cui multū dimittitur, multū diligit. Dimissio ergò peccati præcedit, deinde sequitur secundū gradus etiam dilectio. Nam beneficium est causa dilectionis: nemo gratis diligit, sed causam habet dilectio, siue id sit donum, aut beneficium, aut amicitia, &c. Ex quo sequitur, quòd remissio peccatorum siue donum aliquod, non contingit propter dilectionem quam habet accipiens, sed ex dilectione datoris, ante dilectionem recipientis: ita quòd causa remissionis nō esse potest nostra dilectio, quòd nondum est, sed causa est in Deo & eius misericordia & ratio Fidei illam accipit, quare non propter dilectionem, sed propter fidem primò accipitur iustificatio & remissio peccatorum. Insuper sequitur, quòd auctoritate Apostoli ad Galat. 5. scilicet, Fides quòd per dilectionem operatur, sanè est intelligenda: Neque quòd

quòd simul Fides & charitas, vel quòd fides propter charitatē vel fides formata charitate iustificet & accipiat remissionem peccatorum, hæc in opere iustificationis non valent, ibi ratio Fidei agit cum Christo sine dilectione vel opere, sed gratis accipiet ex misericordia propter Christum. At extra opus iustificationis in illum finē, vt retineatur remissio peccatorum & iustificatio, vt fides ostēdatur & manifesta fiat per dilectionem, aut ne mortua sit Fides, vt Iacobus 2. capite dicit, vt que vera & efficax sit fides, necessario debet sequi dilectio, quæ operatur fructus Spiritus sancti, Gal. 5. & obedientiam legis, 1. Tim. 1. Finis præcepti charitas est de corde puro, consciētia bona, & fide nō ficta: oportet enim primū habere cor purū, & hoc purificat fides, Act. 15. conscientiam bonam per fidem non fictam, & ex illis procedit & sequitur charitas: ratio ergò Fidei ante omnem dilectionem & opera accipit Christi beneficiū, deindē acceptum beneficiū gratis, causa est dilectionis, quam operatur Spiritus sanctus, qui datur per fidem in Christū, vel ex auditu fidei, id est, verbo Dei, Galat. tertio. Ex operibus legis, an ex auditu Fidei? sicut scriptum est, Abraham credidit Deo, & reputatum est illi ad iustitiam, &c. Genes. 15. Sequitur ergò Fidem dilectio, tātquā gratitudo pro accepto beneficio per fidem.

3^a Illa Dilectio quæ fidem sequitur, oportet vt ostēdati & cognoscatur foris per opera & fructus, per obseruantiam & obedientiam præceptorum. Quæ obedientia si non ex dilectione erga proximum pro accepto beneficio sequitur, fides illa non est vera aut viua, nec retinet iustitiam Christi: nam si secundū carnem ambulaueritis, moriemini, inquit Apostolus Rom. 8. Necessario igitur debent sequi fructus & obedientia legis ipsam Fidem, idē inquit Apostolus: Fides quæ per dilectionem operatur: non inquit, fides quæ per dilectionem iustificat, quia fides iam accipit

cepit

cepit iustificationem: sed vt hæc nunc testificetur, tanquam vera, dilectio operosa sequi debet.

Insuper Christus sæpè in Euangelio inquit, Luc. seprimò. Fides tua te saluum fecit, id est, iuuit: nõ inquit Christus, fides & dilectio tua simul te iustificat, sed dat locum Fidei: sed tamen necessariò sequi debet dilectio, quæ legem implet, quæ impletio & bona opera si non fiunt ex fide Christi & sequuntur, tunc Fides illa nulla est. Igitur quod dicunt veteres, Fides formata charitate iustificat: sic est intelligendum, quia fides per charitatem operosa, retinet iustificationem, quam primò fides accepit.

Igitur si non adsunt opera sequentia fidem, Fides illa nec accepit, nec retinet iustificationem. Quo fit, quòd dum recentiores vrgent solam fidem iustificatione, hoc intelligunt quoad acceptionem, quòd Fides ante omne opus accipit iustificationem gratis: sed quoniam iustificatio illa nulla est, nec retinetur nec efficax est sine operibus sequentibus aut obedientia legis, ideò dicitur quòd non sola Fides, sed illa que operatur per dilectionem, sit meritoria, retineat iustificationem, & saluet. Quid enim prodesset accepisse iustificationem, si non esset efficax nec retineretur? Hæc autem retentio contingit per dilectionem, opera & obedientiam legis. Fides vnico quasi momento primò appræhedit Christum & sua beneficia, deindè Spiritum sanctum qui operatur suos fructus, Gala. 5. id est, charitatem, timorem, & omnia pia opera: quandò ergò fructus Spiritus sancti non sequuntur, nec etiam ibi fides est, & charitas est fructus Spiritus sancti. Dum ergò obedientia legis non sequitur fidem, & Christiana seu innocens vita, ibi nec Fides nec iustificatio est. Opera ergò siue dilectio sunt testes veræ fidei & iustificationis.

Caput